

Topaic: An scoil

Fothopaic: Obair bhaile

Seo tascanna samplacha ranga a d'fhéadfaí a bhunú ar an mír físe ina bhfuil Lára Ní Riain ag labhairt faoin obair bhaile a bhíonn ag na naíonáin bheaga a mhúineann sí.

Tá an mhír físe agus an téipscrip ar an suíomh.

Nóta: Is tascanna **samplacha** ranga atá anseo a léiríonn cad a **d'fhéadfaí** a dhéanamh le grúpa foghlaimoírí, bunaithe ar an mír físe. Ní plean ceachta atá i gceist. Moltar go roghnódh an múinteoir tascanna a bheadh oiriúnach don ghrúpa foghlaimoírí atá aige/aici agus go gcuirfí na tascanna **in oiriúint** do riachtanais an ghrúpa.

Treoracha don Mhúinteoir

Tasc samplach 1: Réamhobair agus stór focal

Beidh na foghlaimeoirí ag éisteacht le Lára Ní Riain ag caint faoin obair bhaile a thugann sí do na naíonáin bheaga a mhúineann sí. Tá an mhír físe agus an téipscript ar an suíomh.

- Mínigh cé agus cad leis a bheidh siad ag éisteacht.
- Spreag plé beag ar obair bhaile chun tuairim a fháil den mhéid atá ar eolas acu cheana féin.
- Scaip an bhileog 'Obair bhaile: Stór Focal' agus cuir na foghlaimeoirí ag obair chun na colúin a mheaitseáil. Ceartaigh an ghníomhaíocht nuair a bheidh said réidh agus cuir focail bhreise ar fáil, de réir mar is gá.
- Spreag iad chun na habairtí áisiúla ag bun an leathanaigh a úsáid trí dheis cleachtaidh a chur ar fáil.

Tasc samplach 2: Éisteacht

Scaip an bhileog 'Obair bhaile: Éisteacht'. Cuir na foghlaimeoirí ag obair ar Thasc A sula seinntear an mhír.

Ansin seinn an mhír físe agus cuir ag obair ar an dá thasc tuisceana iad. Tá sé tábhachtach nach mbeidís ag iarraidh gach focal a thuiscint – spreag iad le díriú ar éirim na míre seachas ar na focail.

Eagraigh an plé i gCuid D – cuir ag obair i ngrúpaí de thriúr nó de cheathrar iad. Ansin déan iarracht plé ranga a dhéanamh.

Sa tasc foghraíochta, cuir an bhéim ar an difear foghraíochta a aithint agus a rá – go mór mór sna cinn a chothaíonn deacrachtaí i.e. Sathairn / Satharn...

Tasc samplach 3: Tascanna eile

Tá gníomhaíochtaí breise curtha le chéile do Shraith 2 bunaithe ar obair bhaile – tá siad le fáil ar an suíomh. Ar brath ar leibhéal na bhfoghlaimeoirí, d'fhéadfaí úsáid a bhaint as cuid de na gníomhaíochtaí sin.

Ag brath ar leibhéal na bhfoghlaimeoirí, d'fhéadfaí an tasc plé seo thíos a eagrú.


Gaeilge do thuismitheoirí. Gaelscoileanna Teo.
Ábhar samplach do ranganna do thuismitheoirí
Sraith 1

Tarraing an bosca seo ar an gclár agus abair leis na foghlaimoirí na nithe sa bhosca a rangú de réir ord tábhachta, dar leo féin. Ansin caithfidh siad a roghanna a phlé lena ngrúpa.

	Uimhir
Litriú	
Táblaí	
Peannaireacht	
Scríbhneoireacht chruthaitheach	
Léitheoireacht	

Obair Bhaile: Stór Focal

Ní fágtha agat ach dhá uair an chloig obair bhaile agus ansin féadfaidh tú dul ag spraoi!



Déan iarracht na colúin thíos a mheaitseáil. An bhfuil focail eile a bhaineann le hobair bhaile ar eolas agat?

1. Litriú	a) Writing / penmanship
2. Táblaí	b) A signature
3. Peannaireacht	c) Creative writing
4. Léitheoireacht	d) Division
5. Scríbhneoireacht chruthaitheach	e) Multiplication
6. Síniú	f) Tables
7. Roinnt	g) A diary / journal
8. Suimiú	h) Subtraction
9. Méadú	i) Adding
10. Dialann	j) Reading
11. Dealú	k) Spelling

1	2	3	4	5	6	7	8	9	10	11

Frásaí áisiúla:

Caithfidh mé an dialann a shíniú.
An bhfuil an dialann sínithe?
Bain triail as!
Tabhair buille faoi thuairim!

An bhfuil cabhair uait?
Ar mhaith leat **tabhairt faoi** na táblaí?
Buachaill / cailín cliste!
Maith thú!

Obair Bhaile: Éisteacht

Beidh tú ag féachaint ar mhír físe ina bhfuil Lára Ní Riain ag caint mar gheall ar an obair bhaile a fhaigheann na naíonáin bheaga a mhúineann sí.

A: Sula bhféachann tú ar an bhfíseán, pléigh le do pháirtí:

Cad a cheapann sibh a bheidh le rá ag Lára? Cén cineál obair bhaile a fhaigheann na naíonáin bheaga, dar libh? Déanaigí liosta.

B: Anois féach ar an bhfíseán. Cé mhéad a thuig tú? Ceangail an obair bhaile leis an lá cheart.

Dé Luain	Mata
Dé Máirt	Obair pheannaireachta
Dé Céadaoin	Leabhar léitheoireachta
Déardaoin	Leabhar fuaime

C: Anois féach ar an bhfíseán arís agus abair an bhfuil na ráitis seo fíor nó bréagach.

	Fíor	Bréagach
Tosaíonn obair bhaile na naíonán i mí Mheán Fómhair.		
Faigheann na naíonáin obair bhaile 3 lá sa tseachtain.		
Molann Lára gan níos mó ná 20 nóiméad a chaitheamh ar an obair bhaile.		

D: Plé

An bhfuil sé deacair cabhrú leis an obair bhaile i scoil Ghaeilge? Cad iad na deacrachtaí a bhíonn agat?

E: Foghraíocht

Abair féin agus do pháirtí na frásaí seo os ard. Bígí cúramach – cuir líne faoi aon athruithe fuaime!

Dé Luain	ar an Luan
Dé Máirt	ar an Mháirt
Dé Céadaoin	ar an gCéadaoin
Déardaoin	ar an Déardaoin
Dé hAoine	ar an Aoine
Dé Sathairn	ar an Satharn
Dé Domhnaigh	ar an Domhnach